



ԾԱՅՐԱԳՈՒՅՆ ՊԱՏՐԻԱՐԿ-ԿԱթՈՂԻԿՈՍ ԱՄԵՆԱՅՆ ՀԱՅՈՑ Տ. Տ. ԳԵՎՈՐԳ Զ-Ի ԿՈՆԴԱԿԸ

ՊԱՏՈՒԱՐԺԱՆ ԱՏԵՆԱՊԵՏԱՅ ՅԱՆՁՆԱԺՈՂՈՎՈՅ ՀԱՅՐԵՆԱԳԱՐՁԻ ԵՎ
ԳՈՐԾԱԴԻՐ ՄԱՐՄԵՆՈՅ ԲԱՐԵԳՈՐԾԱԿԱՆ ԸՆԴՀԱՆՈՒՐ ՄԻՈՒԹԵԱՆ, ՈՐ Ի
ՓԱՐԻՁ ԵՎ ՄԵԾԱՐԳՈՅ ԱՆԳԱՄՈՅ ՆՈՐԻՆ, ՀԱՐԱՋԱՏԱՅ ՄԱՅՐ ԱԹՈՌՈՅ
ՍՐԲՈՅ ԷԶՄԻԱՅՆԻ
ՈՂՋՈՅՆ ՀԱՅՐԱԿԱՆ ԵՎ ՕՐՀՆՈՒԹԻՒՆ ՀԱՅՐԱՊԵՏԱԿԱՆ

Հայ Ժողովրդի ազնիւ բարեկամներ,

Դարերի ընթացքում մեր Հայրենի Երկրի
դիրքի և քաղաքական կյանքի առանձնահատուկ
պայմանների պատճառով, երբեմն ևս
վայրագ ու արյունոտ ազգերի ընչասեր և
կողոպտիչ հակամեծերին հագուրդ տալու նը-
պատակով, Հայաստանը մշտական պատե-
րազմների ասպարեզ է հանդիսացել, թշնա-
մու ոտքերի տակ կոխան եղել, ավերի ու թա-
լանի ասպարեզ դարձել, որի պատճառով և
Հայ Ժողովրդը ստիպված է եղել թողնել իր
Հայրենի Երկիրը և գաղթել այլ երկրներ՝
ասպահով ապրելու տենչով։ Նկատի չառնելով
սակայն, որ օտարության մեջ էլ ստիպված
պիտի լինի օտարի ծանր լուծը տանել, դի-
մազուրկ դառնալ, իր մայրենի լեզուն և իր
հերոսական պատմությունը մոռանալ և ձուլ-
ման ու անէացման անխուսափելի վտանգին
ենթարկվել։

Այսօր առաջին անգամն է, որ Հայ Ժողո-
վրդը իր տարագիր ծանր վիճակի մեջ, պահ-
պանած լինելով իր ազգային ինքնագիտակ-
ցությունը, լսում է Հայրենի հարազատ Երկրի
և Հայ Եկեղեցու հրավերն ու կոչը, արձագան-
քում է նորան և Հայրենադարձի փրկարար
ուղին բռնում։

Հայ Ազգի հավատարիմ զավակներ,

Հայրենասիրության և Ազգահավաքման

վառ զգացմունքներով տոգորված և քաղա-
քական փմաստությամբ ղեկավարված՝ բմ-
բռնել եք, որ այսօր Հայ Ժողովրդի առաջ
հրամայաբար ծառացած է ճակատագրական
մի խնդիր, Հայ Ժողովրդի ազգահավաքման
խնդիրը Հայրենի հողի վրա։

Հայ Ազգի բազմադարյան հավատարիմ և
անդամաճան պաշտպան Մայր Աթոռը ուղղել
է Սփյուռքի տարագիր Մեր զավակներին իր
հովվական կոչը՝ Հայրենադարձի կոչը։ Մեր
Հայրենիքի հարազատ Իշխանությունն էլ բա-
ցել է Սփյուռքի տարագիր Հայության առաջ
Հայրենիքի դռները, որով ոչ միայն ազա-
տում է ազգային դիմադրական ու ձուլման,
օտարության մեջ հյուծվելու և անէանալու
վտանգից, այլ և լիակատար հնարավորությոն
է ստեղծում թվով աճելու, ֆիզիկապես զո-
րանալու և հայրենի հողի վերա, գոտեպընդ-
ված կուտուրապես ու տնտեսապես մեծ
հաղթանակներ տարած և վերելքի ճամբան
բռնած հարազատների մերձավորությամբ,
նոր դարկ ու թափ տալու հայ մշակույթի ան-
նախընթաց զարգացման, Հայ Ժողովրդի բա-
րեկեցության և ազգային հզորության ամրա-
պնդման։

Դուք, որ անձամբ ոգևորվել եք և Հայ Ժո-
ղովրդին ոգեշնչել այդ մեծ գաղափարով,
սրբազան պարտականություն ունիք վառ և

անշեջ պահել այդ մեծ գաղափարը նորա մեջ, այլ և գուրգուրել ու ծավալել համազգային խանդավառությունը, որովհետև այդ ճանապարհով է միայն հնարավոր գորանալ, աճել և մեր արդար Դատի հաղթանակը ապահովել:

Հայրապետական օրհնությունս Հայրենադարձի և Ազգահավաքի եռանդուն և ազնիվ Գործիչներին:

Ամենակալի Աջը պահապան և հովանի լինի Հայ Ժողովրդի վերա, որ նա հաջողու-

թյամբ և ապահով դառնա իր Հայրենի Երկիրը՝ Սովետական Հայաստան և իր կարոտակեզ հոգու ծարավը հագեցնեն:

Իսկ Ձեզ, սուրբ գործին նվիրված անձնվեր Գործիչներին, ի նշան Մեր Հայրապետական գոհունակության և գնահատության, տալիս ենք Ձեր Ատենապետներին՝ Բշկապետ Տիար Պողոս Գուլյանին և Տիար Երվանդ Պարկիրճյանին՝ Ս. Լուսավորչի Բ կարգի ոսկյա շքանշանը, ի հիշատակ և ի հիշեցումն Ձեր կատարած հայրենասիրական մեծ գործի:

Ողջ լերուք, գորացյալ շնորհոք Ս. Հոգվույն և հավետ օրհնյալ ի Տյառնի և ի Մենջ. ամեն:

ԾԱՅՐԱԳՈՒԹՆ ՊԱՏՐԻԱՐԲ-ԿԱԹՈՂԻԿՈՍ

ԱՄԵՆԱՅՆ ՀԱՅՈՑ

ՁԷ. . . 28

Տուաւ Կոնդակս ի 1-ն մարտի

1948 թի Փրկչական

ի Տոմարիս ՌՅՂԷ

ի շորորդում թմի Հայրապետութեան մերոյ

Ի Ս. Էջմիածին